

Ho Phelela Molimo



SABATHA MANTSIBOEA

Bakeng sa thuto ea beke ena bala:

1 Pet. 3:8–12; Ba-Gal. 2:20; 1 Pet. 4:1, 2; ba-Rom. 6:1–11; 1 Pet. 4:3–11; 2 Sam 11:4.

Temana ea Khopolo:

“Hobane mahlo a Morena a talima ba lokileng, ’me litsebe tsa hae li mamela thapelo ea bona; empa sefahleho sa Morena se bohale ho ba etsang hampe.” (1 Petrose 3:12).

Lingoli tsa Bibelke li ne li tseba bonnete ba sebe. Ke joang ba neng ba ke ke ba tseba? Lefatše le tletse sona. Ntle le moo, ba ne ba tseba boetsalibe ba bona, hape (sheba 1 Tim. 1:15) ba ne ba tseba hore na se hlokolosi ha kae; ha se hantle, sheba hore na ho mo nkile eng—sefapano sa Jesu Kreste—ho rarolla bothata ba sebe. Ke ka moo sebe se leng sebe le ho teba kateng. Empa lingoli tsa Bibeke hape li ne li hlokometse matla a Kreste ho fetola maphelelo a rōna le ho re etsa batho ba bacha ho eena.

Bekeng ena, Petrose o tsoela pele tseleng e tšoanang: mofuta oa bophelo bo bocha oo Bakreste ba tlang ho ba le oona ka mora ho nehelana ka bona ho eena le ho kolobetsoa. Hantle, phetoho e tla kholo hoo ba bang ba tla e hlokomela. Petrose ha a bolele hore phetoho ena e tla ba bobebe; ruri, o bua ka tlhoko ea ba ea ho utloa bohloko nameng (1 Pet. 4:1) e le hole le tlhoko eo re e tšepisoeng. Petrose o tsoela pele ka sehloho se tletseng ka Bibeleng, bonnete ba lerato bophelong ba molumeli ho Jesu. “Lerato,” o oa ngola, “le apesa libe tse ngata” (1 Pet. 4:8). Ha re rata, re tšoarela, re bontša seo Jesu a re entselitseng sona.

**Bala thutoea beke ena ho lokisetsa Sabatha, 'Mesa 29.*

Ho ba “Khopolo e le ’ngoe”

Bala 1 Petrose 3:8–12. Ke ntlha efe eo Petrose a etsang mo ka moo re lokelang ho phela kateng? Ke joang a phetang seo a ngotseng ka sona ho 1 Petrose 2:20, 21?

Petrose o qala ka hoba bolella ka hore bohle ba be “khopolo e le ’ngoe” (homophrones). H’a bue ka ho tšoana, ka tsela ea hore bohle ba nahane, ba etse, le ho lumela ka ho tšoana hantle. Mohlala o motle oa khopolo ena o fumanoa ho 1 Ba-Korinthe 12:1–26, moo Paulose a supang hore joalo ka ha ’mele o entsoe ka litho, joalo ka matsoho le mahlo empa o ntse o na le bonngoe ba bohlokoa, hape, kereke e entsoe ka batho ba nang le lineo tsa moea tse fapaneng. Empa, le ka phapano ena, ba na le bonngoe ba sepheo le moea ka tsela ea ho sebetsa ’moho ho etsa sechaba se kopaneng.

E, kopano e joalo kamehla ha e bobebe, joalo ka ha nalane ea Bokreste e bontšitse ka ho hlaka (le hampe) e bontšitse. Leha ho le joalo, hang ka mora tlhokomeliso ena, o bolella babali ba hae hore na ba ka senola le ho bontša Bokreste bona hantle joang. Mohlala, Bakreste ba lokela ho etsa khauho (1 Pet. 3:8). Ho hauhelana ho bolela hore ha Mokreste e mong a le mahlomoleng, ba bang ba tla oa ka liphatla le eena; ha e mong a thabile, Bakreste ba bang ba tla thaba le eena (bapisa 1 Ba-Kor. 12:26). Mohau o re lumella ho kena lieteng tsa ba bang, khato e bohlokoa tseleng ea bonngoe. Petrose o re joale re tla “ratana” (1 Pet. 3:8). Jesu ka sebele o ile a re tsela eo ba tla le tseba hore le barutuo a baka ke ha le ratana (Johanne 13:35). Hape-hape, Petrose o re Bakreste ba tla ba le pelo e bonolo (1 Pet. 3:8). Ba utloelana bohloko bothateng le liphosong tsa ba bang.

“Thakhisa bo-nna; nkela ba bang holimo ho feta uena. Ka tsela o tla ba bonngoeng le Kreste. Ka pele ho leholimo, le kapele ho kereke le lefatše, le tla bea bopaki bo sa foseng ba hore le bara le barali ba Molimo. Molimo o tla rorisoa mehlaleng eo le e behang.”—Ellen G. White, *Testimonies for the Church*, vol. 9, p. 188.

Ke ha kae re etsang seo Petrose a se bolelang mo, haholo karolo ea ho se “phetetsa bobbe ka bobbe” (1 Pet. 3:9)? Ke mofuta ofe oa lefu oa bo-nna oo re lokelang ho ba le maiphihlelo a lona e le latela mantsoe ae? Ke joang re ka bang le mofuta oo oa lefu?(Sheba Ba-Gal. 2:20.)

Ho Utloa Bohloko Nameng

Ee, Jesu o shoetse libe tsa rōna, 'me tšepo ea rōna ea pholoho e fumanoa feela ho eena, ho lokeng ha hae, ho re koahelang le hore re bitsoe ba lokileng mahlong a Molimo. Ka lebaka la Jesu, le “amohelohile pela Molimo joalo ka ha eka ha o so etse sebe.”—Ellen G. White, *Steps to Christ*, p. 62. Empa mohau oa Molimo ha o felle ka phatlalatso, boipolelo ba hore libe tsa rōna li tšoaretsoe. Molimo hape o fana ka matla a ho hlola libe tsa rōna.

Bala 1 Petrose 3:18, 21; 1 Petrose 4:1, 2, hape joalo ka Ba-Roma 6:1–11. Khokahano ke efe lipakeng tsa mahlomola le tlhoho holima sebe?

Hona le lentsoe le lenyenyane la se-Gerike le sebelisitsoeng ho 1 Petrose 3:18 le tiisang botlalo ba sehlabelo sa Jesu. Ke lentsoe hapax, le bolelang “hang feela.” Petrose o sebelisa hapax ho tiisa botlalo ba mahlomola a Jesu le lefu la hae bakeng sa rōna. Polelo “joale, e re ka ha” ho 1 Petrose 4:1 e hokahanya 1 Petrose 4:1, 2 le se sa tsoa boleloa ho 1 Petrose 3:18–22. Litemaneng tsa pejana, Petrose o supa hore Krete o ile a utloisoa bohloko bakeng sa libe tsa rōna e le ho re a tle a re tlise ho Molimo (1 Pet. 3:18), le hore “ke kolobetso e re pholosang joale” (1 Pet. 3:21). Kolobetso, joale, ke boemo bo nepahetseng joale ba ho utloisisa mantsoe a Petrose “... a utloisitsoe bohloko nameng ka baka la rōna ... o hlobohane le libe” (1 Pet. 4:1). Ka kolobetso, Mokreste o nka karolo mahlomoleng le tsohong ea Jesu; Bakreste ba entse khetho ea ho “phela maphelo a bona ohle lefatšeng e se e se takatso ea nama empa ka thato ea Molimo” (1 Pet. 4:2). Sena se ka fihleloa ka boinehelo ba letsatsi ka leng ho morena le ka ho thakhisa “nama le lithato tsa eona, le litakatso tsa eona” (Ba-Gal. 5:24). Ho Ba-Roma 6:1–11, Paulose o re kolobetsong Bakreste ba ba kopana le Jesu lefung la hae le tsohong. Kolobetsong, re shoele sebeng. Re hloka joale ho etsa lefu leo la sabele maphelong a rōna. Mantsoe a Paulose, “le ke le bale hore le shoele ka ngeng ea sebe, le hore le phelela Molimo ka Jesu Krete” (Ba-Roma 6:11), a fana ka lekunutu la bophelo ba Mokreste.

Ke nako efe ea ho qetella eo u iphumaneng o “utloa bohloko nameng” e le ho loana khahlanong le sebe? Karabo ea hao e reng ho uena ka bophelo ba hao ba Bokreste?

Ho Tsoaloa Hape

Ho Kreste, re na le bophelo bo bocha, qalo e ncha. Re tsoaloa hape. Haeba sena se bolela letho, haholo hoba amohetseng Kreste ka mora bongoana, ho lokela ho bolela hore ba tla phela ka mokhoa o fapaneng le pele. Ke mang ea so kang a utloa lipale tsa bao ba kileng ba phela lefatšeng, ba bileng le maiphihlelo a nchafatso ka lebaka la ho kopana le Jesu le mohau oa hae o pholosang? Ruri, ka mora ho bua ka lefu la bo-nna le bophelo bo bocha re nang le bona ho Jesu (ka ho kolobetsoa lefung la hae le tsohong), Petrose joale o bua ka mofuta oa lipheto ho tseo motho a tla ba le maiphihlelo a tsona.

Bala 1 Petrose 4:3–6. **Ke lipheto ho life tse etsahalang bophelong ba motho, 'me ke joang ba bang ba arabelang lipheto ho tseo?**

Lipolelo tse tharo tseo Petrose a li sebelisitseng li amana le tšebeliso e mpe ea tai le “veine e ngata” (KJV), “botahoa”(NRSV), “botlofa,” le “bonyollo” (KJV), “bonyofu” (NRSV). Ho sebelisa puo ea sejoale-joale, matsatsi a menate a felile. Hantle, ho ea Petrose, phetoho eo Mokreste a bang le eona e lokela hoba kholo ho lekana hore ba tsebileng Mokreste eo bophelong ba hae bo fetileng ba “nahana ho makatsa” hore ha a sa nke karolo khaphatsehong eo (1 Pet. 4:4). Ka hona, re bona mona monyetla oa ho pakela ba sa lumelang ntle le ho ruta. Bophelo bo lokileng ba Mokreste e ka ba bopaki ho feta lithero tsohle tsa lefatše.

Petrose o reng mo litemana tse ka kahlolo?

Mona, joalo ka libakeng tse ling ka Bibeleng (Johanne 5:29, 2 Ba-Kor. 5:10, Ba-Heb. 9:27), Petrose o etsa hore ho hlake hore ka letsatsi le leng ho tla ba le kahlolo bakeng sa liketso tse “entsoeng namemg” (1 Pet. 4:2). Ha Petrose a bua ka “evangeli e behetsoeng le bona ba shoeleng” (1 Pet. 4:6), o ne a re le nakong e fetileng, batho bao ha joale ba shoeleng, ha ba ne ba phela, monyetla oa ho tseba mohau o bolokang oa Molimo. Ka hona, Molimo a ka ba ahlola ka toka.

Joalo ka molumeli ho Jesu, o phela ho fapaneng joang joale ho feta pele ha o se u sa lumele? Ke phapano efe eo Jesu a e entseng bophelong ba hao?

Libe tsa Nama

Ka ho thathamisa liphoso tseo batho ba li entseng nakong ea pele, le hore ba ile ba emisa ho li etsa ka mora ho ba balumeli ho Jesu, Petrose hape o thathamisa se ka bitsoang “libe tsa thobalano.”

Bala 1 Petrose 4:3 hape. Ke eng hape eo Petrose a e thathamisang moo?

Mantsoe a mabeli a na le moelelo oa thobalano: “bohlola” (aselgia, e leng “litakatso”) le “takatso” (epithumia, e bolelang “takatso” kapa “lenyora”). Empa, ho bonolo ho Bakreste ho fana ka tšobotsi e fosahetseng ka thobalano. Bible ha e khahlanong le thobalano. Empa, Molimo o hlotse thobalano, 'me a nea batho thobalano hore e be tlhohonolofatso e kholo. Thobalano e ne e le teng Edene, tšimolohong. “Ka baka lena, monna o tla tlohela ntat'ae le 'm'ae, o tla khomarela mosali oa hae, 'me e tla ba nama e le 'ngoe feela. Adama le mosali oa hae ba ne ba le feela ba babeli, ba se na lihlong” (Gen. 2:24, 25). E ne e lokela ho ba ntho ea bohlokoa ho kopanya monna le mosali boitlamong ba bona ba bophelo bohle le hoba le sebaka sa ho etsa bana. 'Me katamelano ena le ho amana hona e tla ba sesupo sa seo Molimo a se batlang bathong ba hae, hape (sheba Jeremia 3, Ezekiele 16, Hosea 1–3). Sebakeng se nepahetseng, lipakeng tsa monna le mosali lenyalong, thobalano ke tlhohonolofatso e kholo; sebakeng se fosahetseng, maemong a fosahetseng, e ka ba a mang a matla a senyang lefatšeng. Litla morao tsa joale-hona mona tse bohloko tsa libe tsena li ka holimo ho matla a botho. Ke mang hara rōna ea sa tsebenng maphelo a sentsoeng ka tthekefetso ee ka limpho tsee tse molemo?

Litekana tsee tse latelang li na le eng e tšoanang? 2 Sam. 11:4, 1 Ba-Kor. 5:1, Gen. 19:5, 1 Ba-Kor. 10:8.

E ruri, motho ha a hloke Bible ho tseba lipale tsa bohloko bo tlisitsoeng ke libe tsena. Empa, re lokela ho ba hlokolosi, hape. Ruri, libe tsa mofuta ona li ka ba le tšusumetso e matla e fosahetseng bathong, 'me sechaba se li sosobanyetsa lifahleho. Empa sebe ke sebe, 'me lefu la Krete le akaretsa le libe tsa thobalano. Joalo ka Mokreste, o lokela ho ba hlokolosi haholo, haholo lilemong tsona tse hlokolosi, ho etsa bonnete ba hore pele u “ntša tšia e ka leihlong la hao, ke moo u tla bontšisa lehlokoana le leihlong la ngoan'eno” (Luka 6:42).

Lerato le Apesa Tsohle

Le nakong ea Petrose, Bakreste ba phetse ka tebello ea ho tla ho haufi ha Jesu le qetello ea lefatše la joale. Re tseba sena hobane ho 1 Petrose 4:7 oa ngola: “Bofelo ba ntho tsohle bo haufi; le tsohe masene ke hona, ’me le phele ka boitšoaro, le tle le tsebe ho rapela”. Ka mantsoe a mang, itokisetse qetello. Ka mokhoa o le mong o utloahalang hape, “qetello,” joalo ka ha re tseba, ha e fete nakoana feela ka mora hore re shoe. Re koala mahlo lefung, ’me—e ka ba liketse tsa lilemo tse tla feta, kapa matsatsi a ’maloa—ntho e latelang eo re e tsebang ke ho tla labobeli ha Jesu le qetello ea lefatše.

Ho ea ka Petrose, hobane “bofelo ba lintho tsohle” bo haufi, Bakreste ba lokela ho phela joang? Sheba 1 Pet. 4:7–11.

Ntle le ho tlea le ho lebelala thapelong, Bakreste ba lokela ho “ratana ka phehello, hobane lerato le apesa libe tse ngata (1 Pet. 4:8). Seo se bolela’ng? Ke joang lerato le apesang sebe? Senotlolo se fumanoa temaneng eo Petrose a e qotsang, Liproverbia 10:12, e baleang tjena: “Hloeo e hotetsa likomang, empa lerato le apesa litšito tsohle”. Ha re ratana, re tšoarella ha bonolo ba re utloisang bohloko. Lerato la Krete le mo qosa ho re tšoarella; lerato la rōna le lokela ho qosa hore re tšoarele ba bang. Moo lerato le totileng, o sitelanoa ho ho nyenyane, le ho sitelanoa ho ho holo, ho ka iphapnyetsoa tsona le ho lebaloa.

Petrose o bolela mohopolo o tšoanang joalo ka Jesu le Paulose, ea reng molao ohle o akarelitsoe ke boikarabello ba ho rata Molimo ka pelo tsohle tsa rōna le ho rata ba habo rōna joalo ka ha re ithata (Matt. 22:34–39, Ba-Roma 13:8–10). Petrose hape o kothoaletsa Bakreste hore ba amohela baeti. Ho tla ha Krete la bobeli ho kaba haufi, empa Bakreste ha ba lokela ho ikhula likamanong tsa botho ka lebaka la hona. Qetellong, ha Bakreste ba bua, ba lokela ho bua joalo ka ba buang mantsoe a Molimo. Ka mantsoe a mang, ho tiea ha nako ho mema puisano e tiileng ka linnete tsa semoea.

“Lerato le apesa libe tse ngata.” Ke mang ea u sitetsoeng? Ke joang u ka bonahatsang lerato le hlokaalang e le ho “apesa” sebe seo? Hobaneng ho le molemong oa hao ho etsa joalo?

Ho Ithuta Haholoanyane:

“Lerato le mamellang le mosa le ke ke la phahamisa hose utloane ho fokolang ho ba sebe se sa tšoareleng, le ho nka monyetla ka ho etsa hampe ha batho ba bang. Mangolo ka ho hlaka a ruta hore ba siteloang ba bang ba lokela ho mamelloa le ho hlokomeloa. Haeba mokhoa o nepahetseng o lateloa, pelo tse thata li ka hapeloa ho Kreste. Lerato la Jesu le apesa libe tse ngata. Mohau oa hae ha o etse hore re pepese liphoso tsa ba bang, ntle le ha ho molemo ho etsa joalo.”—Ellen G. White, *Counsels to Parents, Teachers, and Students*, p. 267. Nahana, ka Jesu le mosali ea tšoeroeng a feba (Johanne 8:1–11). Hangata re sheba sena e le pale ea mohau oa Jesu Kreste ho mosali enoa ea oeleng. Empa hona le taba e tebileng, hape. Ka ho toba baetapele ba bolumeli ba tlisitseng mosali ho eena, hobane Jesu o ile a ngola fatše “liphiri tsa melato ea maphelo a bona” (Ellen G. White, *The Desire of Ages*, p. 461) mobung, moo mantsoe a ka hlakoloang hang? Hobaneng a sa ka a ba qosa pepenene, a phatlalatse ka pela bohle seo a se tsebang ka libe tsa bona, tse ka bang mpe joalo ka sa mosali kapa tse mpe le ho feta? Ho e na le hoo, Jesu o bontšitse hore o tseba boikaketsi ba bona le bokhopo, 'me o ne a sa tlo ba phanyaola ho ba bang. Mohlomong hona e ne e le mokhoa oa Jesu oa ho fihlela batho ba bang, a ba bontša hore o tseba merero ea bona 'me ka hona a ba ba fa monyetla oa ho lopolloa. Thuto e matla bakeng sa rōna ha re hloka ho toba ba entseng sebe.

Lipotso tsa ho Qoqoa:

1. **Lula haholo potsong ea bonngoe khahlanong le ho tšoana. Na ho na le likarolo tseo re hloakang ho ba bonngoeng ka ho phethahala ba khopolo e le hore re tle re sebetse re le kereke? Haeba ho joalo, ke likarolo life, 'me ke joang re ka bonang ho hlokahala ho tšoana ho? Ka lehlakoreng le leng, ke likarolo life tseo ho fapana ha maikutlo ho seng kotsi empa ho ka thusang?**
2. **Maiphihlelo a hao e bile afe ka taba ea ho “utloa bohloko nameng” e le hore u khaotse sebe? Seo se bolelang? Na matla a Molimo maphelong a rōna ho re fetola ho bolela hang feela hoo re ke keng ea utloa bohloko nameng e le hore re tle re be le tilholo? Haeba ha ho joalo, joang?**
3. **A ko hlahlobe masisa pelo ao tai e a hlahisitseng maphelong a mangata. Ke joang re ka etsang re le kereke ho thusa ba bang ho bona kotsi e sethethefatsi see? Ke eng eo re e etsang ho boloka bacha ba rōna ho ba seli ka phoso e ka tlišoang ke ho leka ho sebelisa ntho eo eka e tlišang kotsi?**

